

**BOSNA I HERCEGOVINA  
FEDERACIJA BOSNE I HERCEGOVINE  
Vlada Federacije Bosne i Hercegovine  
Ministarstvo kulture i sporta / Ministarstvo kulture i športa**

**PROGRAM RADA  
za 2009. godinu**

Sarajevo, novembar / studeni 2008. godine

## I. UVODNI DIO

Federalno ministarstvo kulture i sporta/Federalno ministarstvo kulture i športa (u daljem tekstu: Ministarstvo) će tokom 2009. godine svoje aktivnosti, u skladu s nadležnostima, usmjeriti na sljedeća područja djelovanja:

1. kulturno-historijska baština,
2. kultura,
3. sport,
4. mladi.

Djelatnost Ministarstva odvijat će se u skladu s nadležnostima upravnih, stručnih i razvojnih poslova, u oblastima zaštite i korištenja kulturno-historijske baštine, razvoja muzejske, arhivske, bibliotečke, izdavačke, teatarske, muzičke, likovne, filmske i estradne djelatnosti, zatim razvoja i omogućavanja rada organizacijama i udruženjima građana u oblasti umjetnosti i kulture te razvoja kulturnog amaterizma, stvaralaštva mladih, sporta i tehničke kulture.

Djelatnosti će obavljati:

1. Zavod za zaštitu spomenika,
2. Sektor za kulturno-historijsku baštinu i kulturu,
3. Sektor za sport,
4. Sektor za ekonomsko-finansijske, pravne i opće poslove,
5. Centar za mlade, kao i:
6. Fondacija za kinematografiju,
7. Fondacija za izdavaštvo,
8. Fondacija za bibliotečku djelatnost i
9. Fondacija za muzičke, scenske i likovne umjetnosti.

Zaštitu kulturno-historijskog i graditeljskog naslijeđa Ministarstvo ostvaruje radom i djelovanjem:

- Sektora za kulturno-historijsko naslijeđe i kulturu i
- Zavoda za zaštitu spomenika.

Planirane aktivnosti Ministarstva u oblasti kulturnog naslijeđa su:

- vršenje upravnih, stručnih i drugih poslova zaštite,
- naučnoistraživačka djelatnost,
- rekognisciranje,
- evidentiranje objekata,
- evidentiranje stanja objekata,
- dokumentiranje,
- digitalizacija dokumentacije,
- operativna i tehnička zaštita; nadzor,
- izrada prioritete liste zaštite na prostoru Federacije BiH,
- aktivnosti na pripremanju zakonskih propisa,
- organizacija tradicionalne manifestacije *Dani evropskog naslijeđa*,
- finansijska podrška obnovi i rekonstrukciji objekata kulturno-historijskog naslijeđa,
- tehnički i finansijski nadzor nad utroškom dodijeljenih sredstava.

U svrhu ravnomjerne zastupljenosti svih vrsta objekata kulturno-historijskog naslijeđa, primjenjivat će se usvojeni kriteriji, a radit će se i na njihovom razvoju. U finansiranju zaštite i zaštiti objekata u 2009. godini, bit će zastupljeni:

- javni objekti,
- sakralni objekti,
- arheološki lokaliteti; nekropole,
- stari gradovi,
- stambeni objekti,
- zaštita pokretnih i nematerijalnih kulturnih dobara.

Izbor projekata izvršit će se prema slijedećim općim kriterijima:

- kvaliteta,

- uspješna prezentacija i doprinos afirmaciji Federacije Bosne i Hercegovine Bosne i Hercegovine,
- funkcionalna i ekonomska opravdanost.

Izbor objekata kulturne baštine izvršit će se na osnovu stručnih procjena koje će izvršiti Zavod za zaštitu spomenika, a prema usvojenim slijedećim posebnim kriterijima:

- vrijednost objekta (historijska, umjetnička, arhitektonska, kulturna, duhovna, prostorna),
- stanje objekta (preliminarna zaštita, konzervacija, sanacija, restauracija i revitalizacija),
- prioritet i neophodnost radova u skladu sa stanjem objekata koji imaju status nacionalnih spomenika Bosne i Hercegovine,
- zaštita i očuvanje pokretnih i nematerijalnih kulturno-historijskih dobara,
- funkcionalna i ekonomska opravdanost projekta,
- nastavak realizacije započetih projekata.

Zastupljeni objekti i kulturna dobra su prvenstveno nacionalni spomenici Bosne i Hercegovine koji se nalaze na prostoru Federacije Bosne i Hercegovine.

I dalje će se razvijati saradnja i koordinacija sa:

- Komisijom/Povjerenstvom za očuvanje nacionalnih spomenika,
- Ministarstvom civilnih poslova Bosne i Hercegovine,
- Federalnim ministarstvom prostornog uređenja,
- Federalnim ministarstvom turizma i okoliša,
- Državnom komisijom za UNESCO i drugim institucijama koje se bave zaštitom kulturne baštine Bosne i Hercegovine.

Tema Manifestacije «Dani evropskog naslijeđa» 2009. godine bit će nematerijalna kulturna baština.

## **II. ZAVOD ZA ZAŠTITU SPOMENIKA**

Zavod za zaštitu spomenika, upravna organizacija Ministarstva i nadležna služba zaštite naslijeđa na nivou Federacije BiH, operativno će, po fazama, raditi na pripremi programa i projekata sanacije konzervacije, restauracije, rekonstrukcije i

revitalizacije objekata kulturno-historijskog naslijeđa i to putem Odjeljenja za operativno-tehničku zaštitu i Odjeljenja za naučnoistraživački rad.

Vršit će nadzor nad realizacijom programa i projekata radi pravilne realizacije i implementacije sredstava namijenjenih za zaštitu objekata kulturno-historijskog naslijeđa.

Učestvovat će u upravnim postupcima izdavanja saglasnosti kroz davanje stručnih mišljenja sa stanovišta zaštite kulturno-historijskog naslijeđa, o programima i projektima izrađenim od strane drugih pravnih i fizičkih lica.

Kroz informaciono-dokumentaciono odjeljenje nastavit će se evidentiranje i čuvanje dokumentacije o objektima kulturno-historijskog naslijeđa BiH. Zavod će nastaviti sa prikupljanjem materijala i vođenjem fototeke, hemeroteke, biblioteke, videoteke, kao i druge dokumentacijske zbirke.

Za 2009.godinu Zavod planira operativno, po fazama, raditi na slijedećim objektima:

➤ **Javni objekti:**

- Most u Konjicu završetak radova - stručni nadzor
- Zgrada AVNOJ-a u Jajcu završetak radova - postavka eksponata
- Partizansko groblje Mostar stručni nadzor
- Stara željeznička stanica Prača-Goražde stručni nadzor
- Most u Klepcima, Čapljina stručni nadzor
- Sanacija paviljona prahistorije, Zemaljski muzej stručni nadzor
- Gimnazija u Mostaru stručni nadzor
- Mala vijećnica u Odžaku stručni nadzor
- Zgrada finansija u Jajcu stručni nadzor

➤ **Sakralni objekti:**

- Džamija u Podgori, Breza nastavak radova
- Džamija u Šenkovićima, Novi Travnik nastavak radova
- Džamija u Lizopercima, Prozor-Rama završetak radova
- Soko džamija u Gračanici stručni nadzor
- Huseinija džamija u Gradačcu obnova u toku
- Kuršumlja džamija u Maglaju nastavak 3.faze obnove enterijera

- Musala u Kamengradu, Sanski Most stručni nadzor
- Ferhat-begova džamija u Tešnju nastavak radova u enterijeru
- Semiz Ali-pašino turbe u Prači izrada projekta
- Džamija u Seonici, Konjic obnova u toku, stručni nadzor
- Džamija Handanija u Pruscu projekt konzervacije i nadzor
- Džamija Kjafije Pruščaka, Prusac projekt konzervacije i nadzor
- Džamija Ferhadija, Sarajevo stručni nadzor
- Tašlihan, Sarajevo stručni nadzor
- Firuz-begov hamam, Sarajevo stručni nadzor
- Džamija u Vitini, Ljubuški stručni nadzor
- Franjevački samostan Sv. Luke Jajce stručni nadzor
- Crkva Sv. Ilije Kruševo, Mostar stručni nadzor
- Franjevački samostan K. Sutjeska stručni nadzor
- Stara crkva Sv. Mihovila u Varešu izrada projekta, stručni nadzor
- Plečnikova grobljanska kapela u Varešu stručni nadzor
- Kloster franjevačkog samostana u Mostaru stručni nadzor
- Kapela s franjevačkom kućom u Podbili, Posušje izrada projekta konzervacije
- Franjevački muzej, Tomislavgrad stručni nadzor
- Stara biskupska rezidencija u Vukodolu, Mostar izrada projekta
- Crkva Uznesenja Blažene Djevice, Rama-Šćit stručni nadzor
- Crkva Sv. Trojstva u Blagaju stručni nadzor
- Saborna crkva u Sarajevu stručni nadzor
- Crkva Sv. Prokopija u Visokom izrada projekta
- Crkva Sv. Nikole, Trijebanj, Stolac stručni nadzor
- Crkva Uspenija presvete Bogorodice u Livnu stručni nadzor
- Manastir Vozuća nastavak radova
- Crkva Sv. Vasilija Ostroškog u Blagaju izrada projekta

- Crkva Vaznesenja Hristovog u Čapljini izrada projekta

➤ **Arheološki lokaliteti**

*istraživat će se u saradnji s arheolozima Zemaljskog muzeja, ANUBiH-a i Odsjeka za arheologiju Sveučilišta u Mostaru. Zavod će sudjelovati u istraživanjima, evidentirajući i dokumentirajući rezultate, a biti će i koordinator programa i projekata na osnovu kojih će Zavod raditi konzervaciju i revitalizaciju.*

- Helenistički grad Daorson, Ošanići kod **Stoca** arheološka istraživanja, konzervacija
- Helenistički grad Daorson, Ošanići kod Stoca arheološka istraživanja, konzervacija
- Desilo, Hutovo blato kod Čapljine
- Nekropola stećaka u Kruševu projekt konzervacije
- Arheološki lokalitet Halepić kod Glamoča
- Nekropola stećaka Dugo polje na Blidinju izrada projekta i stručni nadzor

➤ **Stari gradovi:**

- Stari grad Jajce stručni nadzor
- Stari grad B. Krupa nastavak radova
- Stari grad Visoki arheološka istraživanja, stručni nadzor, projekt konzervacije
- Stari grad Ključ nastavak radova
- Stari grad Srebrenik operativna zaštita
- Stari grad Bobovac nastavak radova
- Stari grad Počitelj arheološka istraživanja, konzervacija
- Stari grad Dubrovnik stručni nadzor
- Stari grad Ljubuški stručni nadzor
- Stari grad Prusac stručni nadzor i izrada projekta

➤ **Stambeni objekti:**

- Kuća Nurije Pozderca, Cazin stručni nadzor
- Turkovića kuća u Stocu izrada projekta

- Kršlakova kuća u Jajcu stručni nadzor
- Stambeni kompleks Begovina u Stocu izrada projekta, stručni nadzor
- Stambeni kompleks Velagićevina u Blagaju izrada projekta, stručni nadzor

Odabrat će se i drugi programi koji će zadovoljiti opće i posebne kriterije Javnim pozivom za 2009. godinu.

Zavod za zaštitu spomenika planira i nastavak aktivnosti sa organizacijama UNESCO i UNDP na zajedničkim projektima obnove i zaštite objekata naslijeđa.

U 2009. godini Zavod planira sudjelovati na IV Regionalnoj konferenciji o savremenom pristupu zaštiti kulturne i prirodne baštine u Banjaluci, pod pokroviteljstvom Evropskog centra za mir i razvoj UN.

Planira se nastavak saradnje u stručnim časopisima "AGD" iz oblasti kulturne baštine sa stručnim priložima o izvedenim konzervatorsko-restauratorskim radovima na spomenicima kulture na kojima je Zavod radio.

Izdavanje XXII broja stručnog časopisa i godišnjaka *Naše starine*, Zavod će osim tradicionalnog sadržaja, prezentirati svoj poslijeratni rad na restauraciji i očuvanju kulturno-historijskog i graditeljskog naslijeđa, za koje je Federalno Ministarstvo kulture i sporta sufinansiralo programe i projekte do kraja 2008. godine.

### III. KULTURA

Poslovi iz oblasti kulture ostvaruju se u Sektoru za kulturno-historijsko naslijeđe i kulturu.

Sektor obavlja upravne, stručne i druge poslove koji se odnose na razvoj muzejske, arhivske, bibliotečke, izdavačke, dramske, muzičke, muzičko-scenske, likovne, galerijske i filmske djelatnosti, djelatnosti dramskog i likovnog amaterizma, razvoj i omogućavanje rada organizacijama i udruženjima građana u oblasti umjetnosti i kulture, razvoj kulturno-umjetničkog amaterizma, stvaralaštva mladih, tehničke kulture, podrške umjetnicima radi poboljšanja statusa i podrška razvoju talenata od značaja za Federaciju BiH, što se ostvaruje:

- prikupljanjem i vođenjem baze podataka o programima, projektima, organizacijama, manifestacijama, djelatnicima i umjetnicima u Federaciji Bosne i Hercegovine,
- praćenjem i vrednovanjem programa i projekata iz kulture, aktivnosti institucija, udruženja i organizacija u oblasti kulture,
- finansijskom podrškom programima i projektima kulture, od značaja za Federaciju Bosne i Hercegovine i Bosnu i Hercegovinu,
- finansijskom podrškom programima i projektima koje kandidiraju udruženja građana i organizacije u oblasti kulture,



- nalaženjem metoda bolje i učinkovitije raspodjele proračunskih sredstava za sufinansiranje projekata kulture, koji su značajni za Federaciju BiH i Bosnu i Hercegovinu,
- razvojem međusobne saradnje i uvezivanjem institucija kulture radi ostvarivanja kvalitetnijih programa za veći broj korisnika,
- strateškim djelovanjem, koordinacijom s resornim ministarstvima u oblasti kulture na drugim razinama,
- stalnim radom na aktualnoj bazi podataka u kulturi, vođenjem kalendara kulturnih događanja, podrškom inovativnim samoodrživim programima, i na druge načine.

Za 2009. godinu izrađen je kalendar kulturnih događanja u Federaciji Bosne i Hercegovine. Kalendarom su obuhvaćene sve poznate manifestacije. Unutar njih su posebno označene one koje je Ministarstvo podržavalo ili ih podržava.

Finansijska podrška za programe kulture od značaja za Federaciju Bosne i Hercegovine i Bosnu i Hercegovinu, dodjeljivat će se temeljem raspisanog Javnog poziva, prema spomenutim općim kriterijima i usvojenim slijedećim posebnim kriterijima:

- afirmacija kulturnog i umjetničkog stvaralaštva,
- interes kulturne javnosti,
- dugogodišnji kontinuitet; inovativnost,
- uspjesi na međunarodnom i domaćem planu,
- poticanje razmjene; realizacija u kooperaciji ili koprodukciji,
- doprinos angažiranju i afirmaciji mladih.

Finansijska podrška programima i projektima udruženja građana i organizacija u oblasti kulture dodjeljivat će se prema spomenutim općim kriterijima i usvojenim slijedećim posebnim kriterijima:

- afirmacija kulturnog i umjetničkog stvaralaštva,
- interes kulturne javnosti,
- uspjesi na domaćem i međunarodnom planu,
- poticanje razmjene, realizacija u kooperaciji ili koprodukciji,
- doprinos angažiranju i afirmaciji mladih,
- doprinos jačanju nacionalne i vjerske tolerancije.

Ministarstvo će podržati rad kulturno-umjetničkih društava i njihovih asocijacija, posebno onih koje se bave istraživačkim radom i zaštitom nematerijalne kulturne baštine. Posebna pažnja bit će usmjerena prema onim manifestacijama koje su priznate od strane međunarodnih asocijacija ili uvrštene u kalendar CIOFF-a, kao i onih koje predstavljaju najvažniji oblik kulturnog djelovanja u malim sredinama, a registrirane su na razini Federacije Bosne i Hercegovine ili Bosne u Hercegovine.

Podržat će programe nevladinih organizacija i religijskih zajednica u oblasti kulture i umjetnosti.

Ciljevi rada Sektora za kulturno historijsko naslijeđe i kulturu su:

- kulturni razvitak Federacije BiH i Bosne i Hercegovine,
- provedba Strategije kulturne politike Bosne i Hercegovine,
- utvrđivanje polazišta za izradu osnova politike razvitka kulture Federacije Bosne i Hercegovine,
- provođenje važećih, i od Bosne i Hercegovine ratificiranih konvencija u oblasti kulture,
- ispunjenje ugovora o međunarodnoj kulturnoj saradnji u dijelu koji se odnosi na Federaciju BiH,
- provedba Aneksa 8 međunarodnog sporazuma za mir u Bosni i Hercegovini,
- provedba Zakona o provedbi Odluka o proglašenju objekata nacionalnim spomenicima,
- provedba Zakona o federalnim ministarstvima,
- prepoznavanje manifestacija, programa i projekata od značaja za Federaciju BiH i Bosnu i Hercegovinu, njihov razvoj, poticanje razmjene i realizacije u kooperaciji ili koprodukciji,
- podrška manifestacijama kulture čiji je status potvrđen od međunarodnih asocijacija
- provedba važećih državnih i federalnih zakona u oblastima kulture i kulturno historijskog naslijeđa,
- afirmacija umjetničkog stvaralaštva od značaja za Federaciju BiH i Bosnu i Hercegovinu,
- ispunjenje individualnih i kolektivnih kulturnih potreba građana Federacije BiH i Bosne i Hercegovine,
- razvoj svih kulturnih djelatnosti, podrška inovativnosti i novim medijskim kulturama,
- rad na osviještenju o potrebi razvitka prometne, zdravstvene i ekološke kulture,
- promoviranje i afirmacija kulture i umjetnosti od značaja za Federaciju BiH i Bosnu i Hercegovinu,
- podrška afirmaciji i angažmanu mladih, odgovorna priprema mladih za sudjelovanje u kulturnom životu Federacije BiH i Bosne i Hercegovine,
- uvrštavanje u Program finansiranja većeg broja programa i manifestacija koje će znati da će biti finansirane i u narednom periodu, ako budu uspješne i kvalitetne, a program se razvijao i rastao.

Međunarodna saradnja u oblasti kulture planirat će se u zavisnosti od stava i konkretne podrške entitetskih resornih ministarstava i nadležnih ministarstava u Vijeću ministara (Ministarstvo civilnih poslova Bosne i Hercegovine i Ministarstvo vanjskih poslova Bosne i Hercegovine).

Usklađivanje kulturne politike s evropskim zemljama predstavlja jedan od strateških ciljeva na planu utvrđivanja kulturne politike i pravaca strateškog razvoja kulture na svim nivoima djelovanja. Na planu *međunarodne saradnje* Ministarstvo će sudjelovati u radnim grupama Vijeća Evrope, Srednje evropske inicijative i drugim asocijacijama i u skladu s glavnim odrednicama kulturne politike u Federaciji BiH i Bosni Hercegovini.

U saradnji s Fondacijom za održivi razvoj, OdRaz Sarajevo, realizirat će se podrška obnovi, sanaciji, izgradnji i opremanju objekata kulture na prostoru Federacije Bosne i Hercegovine. Ministarstvo će udružiti sredstva Vlade Federacije BiH sa sredstvima Svjetske banke u okviru programa razvoja lokalnih zajednica.

Finansijska podrška sanaciji, obnovi, izgradnji i opremanju objekata kulture dodjeljivat će se prema spomenutim općim kriterijima i usvojenim slijedećim posebnim kriterijima:

- stanje objekta, interventna zaštita i neophodnost radova u skladu s dostavljenom projektnom dokumentacijom,
- važnost za kulturni i javni život sredine,
- značaj za širu društvenu zajednicu,
- nastavak realizacije započetih projekata,
- doprinos angažiranju i afirmaciji mladih.

Do kraja 2009. godine planirana je izrada analize o broju i stanju objekata kulture s prijedlogom strateškog djelovanja u svrhu poboljšanja stanja na prostoru Federacije Bosne i Hercegovine.

U cilju ostvarenja što bolje kulturne ponude u trenutnoj ekonomskoj situaciji u Bosni i Hercegovini i okruženju, u 2009. godini sufinansirat će se isključivo programi i projekti kulture od značaja za Federaciju BiH i Bosnu i Hercegovinu. Ministarstvo je opredijeljeno sufinansirati programe i projekte kulture u iznosu do 25% od ukupne vrijednosti projekta, koji uz to mora zadovoljiti kriterij ekonomičnosti.

## IV. SPORT

Strateški cilj razvoja sportske djelatnosti u 2009. godini je dostizanje stepena uključenosti stanovništva u sistematsku sportsku aktivnost nivoa sportski razvijene zemlje kao i nivoa vrhunskih sportskih dostignuća, koji će dostojno prezentirati našu zemlju na međunarodnim sportskim takmičenjima. Sport u Bosni i Hercegovini ima dugu i bogatu tradiciju koja je potvrdila sve vrijednosti sporta kao društvene djelatnosti od posebnog značaja i interesa. U savremenim uvjetima sport je postao značajan dio kulture i ukupnih vrijednosti društva te je neophodno, na svim nivoima, značajnu pažnju i brigu posvetiti ovoj djelatnosti.

Nastavljajući aktivnosti na podsticanju i unapređenju sporta, kao dijela ukupnih društvenih vrijednosti, Federalno ministarstvo kulture i sporta, kao prioritete u 2009. godini, planira unapređenje saradnje sa Ministarstvom civilnih poslova BiH na planu implementacije Zakona o sportu u Bosni i Hercegovini, kantonalnim resornim ministarstvima, Ministarstvom porodice, omladine i sporta RS s ciljem podizanja nivoa sporta kako na planu sportske rekreacije cjelokupnog stanovništva, tako i nivoa vrhunskih sportskih dostignuća.

U 2009. godini održavaju se značajna međunarodna sportska takmičenja na kojima će uzeti učešće naši najbolji sportisti među kojima su najznačajniji: Mediteranske igre Pescara 2009., Zimske olimpijske igre mladih Slask/Beskidy (Poljska), Ljetne olimpijske igre mladih Tampere 2009. (Finska), svjetska i evropska prvenstva. Ministarstvo će pružiti podršku u pripremi i sufinansiranju učešća naših najboljih sportista na ovim velikim sportskim manifestacijama sa željom da bude dostojanstveno i u funkciji afirmacije bogate sportske tradicije Bosne i Hercegovine.

Ministarstvo će aktivno učestvovati na donošenju zakonskih i podzakonskih akata koji proizilaze iz Zakona o sportu u Bosni i Hercegovini kao preduvjeta za adekvatno i kvalitetno organiziranje sporta i ostvarivanje strateških ciljeva njegovog razvoja.

Kako su sportski objekti preduvjet za razvoj sportske djelatnosti u cjelini, jedan od prioriteta će biti podrška aktivnostima na izgradnji, opremanju i rekonstrukciji sportskih objekata. U saradnji sa kantonalnim ministarstvima i Fondacijom za održivi razvoj OdRaz, na osnovu iskazanih potreba putem Javnog poziva, izgradit će se poseban program izgradnje i opremanja sportskih objekata. U skladu sa odredbama Zakona o sportu u Bosni i Hercegovini, uradit će se analiza stanja sportskih objekata u Federaciji Bosne i Hercegovine i Pravilnik o kategorizaciji sportskih objekata na nivou Federacije Bosne i Hercegovine. Želja nam je da na taj način u svim dijelovima Federacije Bosne i Hercegovine stvorimo uslove za ravnomjeran razvoj sporta i realizaciju nastavnih programa tjelesnog odgoja.

U želji da pružimo puni doprinos razvoju i afirmaciji sporta značajna podrška bit će usmjerena podršci organizacije sportskih manifestacija u Bosni i Hercegovini koji se tradicionalno organiziraju i imaju tradicionalni karakter: Šahovski velemajstorski superturnir „Bosna 2009.“, Međunarodni atletski juniorski turnir, finale atletskog KUP-a za osnovne i srednje škole Federacije Bosne i Hercegovine,

Memorijalni EABA boksterski turnir, međunarodna biciklistička trka mira Tuzla 2009, ...

Federalno ministarstvo će, kao i do sada, pružati značajnu podršku i koordinirati realizaciju dugoročnih projekata koji imaju za cilj afirmaciju vrijednosti sporta i edukaciju mladih. Među njima su svakako najznačajniji „Zaštita od mina kroz sportske aktivnosti“, „Otvorena zabavna škola fudbala“, „Sportom protiv droge“ i dr.

Značajna pažnja posvetit će se programima i projektima edukacije stručnog osposobljavanja i usavršavanja trenera i pedagoga tjelesnog odgoja koji rade sa mladima.

Vodeći računa o velikom broju lica sa invaliditetom i posebnim potrebama, Ministarstvo će pružiti podršku projektima koji imaju za cilj njihovu resocijalizaciju i ostvarivanje vrhunskih sportskih rezultata.

U saradnji sa Ministarstvom civilnih poslova Bosne i Hercegovine i kantonalnim resornim ministarstvima, u skladu sa odredbama Zakona o sportu Bosne i Hercegovine izradit će se informacioni sistem koji će biti, zasigurno, jedan od preduvjeta za izradu Analize o stanju organiziranja sporta u Bosni i Hercegovini i Strategije razvoja sporta u Federaciji Bosne i Hercegovine od 2009. do 2012. godine.

#### **IV. SEKTOR ZA EKONOMSKO-FINANSIJSKE, PRAVNE I OPĆE POSLOVE**

Odsjek za pravne i opće poslove i Odsjek za računovodstvo, u okviru Sektora za ekonomsko-finansijske, pravne i opće poslove, pružat će stručnu podršku realizaciji programiranih zadataka i obezbijediti neophodne uvjete za rad svih organizacionih jedinica Federalnog ministarstva kulture i sporta. Tokom 2009. godine vršit će se permanentno usavršavanje i edukacija zaposlenika Federalnog ministarstva kulture i sporta te voditi aktivnosti na usvajanju informacijskih, komunikacijskih i drugih tehnologija u cilju što uspješnijeg izvršavanja povjerenih zadataka.

##### **➤ *Pravni poslovi***

U toku 2009. godine, rad Odsjeka za pravne i opće poslove će biti usmjeren na slijedeće poslove:

- dogradnja pravne regulative Federalnog ministarstva kulture i sporta u skladu sa Smjernicama za uspostavu sistema internih kontrola u organima državne službe u Federaciji,
- priprema Prijedloga Odluke o usvajanju programa utroška sredstava tekućih transfera za 2009. godinu,

- izrada analiza, izvještaja i drugih stručnih analitičkih materijala na osnovu odgovarajućih podataka u dijelu koji se odnose na nadležnosti Federalnog ministarstva kulture i sporta,
- izrada i donošenje pojedinačnih akata koji se odnose na prava, dužnosti i odgovornosti službenika i namještenika, iz radnog odnosa ili u vezi sa radnim odnosom.

➤ *Opšti poslovi*

Glavne aktivnosti u vezi sa općim poslovima će, kao i do sada, biti:

- vođenje protokola i arhive,
- recepcijski poslovi,
- čišćenje prostorija,
- poslovi vezani za usavršavanje informacionog sistema, a prije svega:
  - završetak aktivnosti na povezivanju svih računara u lokalnu računarsku mrežu,
  - ažuriranje baza podataka o aktivnostima svih sektora i Zavoda za zaštitu spomenika,
  - ažuriranje „pravnog osnova“ - Zakona iz oblasti djelovanja Federalnog ministarstva kulture i sporta,
  - ažuriranje podataka o zaposlenim, godišnjim odmorima i ostali podaci bitni za rad ministarstva i zaposlene,
  - ažuriranje Web-stranice Federalnog ministarstva kulture i sporta.

➤ *Finansijski poslovi*

Težište aktivnosti u toku 2009. godine bit će na pružanju podrške i praćenju rada ostalih sektora i Zavoda.

- Izrada budžetskog zahtjeva za 2010. godinu i DOB za naredni trogodišnji period,
- izrada zbirnih, kvartalnih i ostalih periodičnih izvještaja,
- izrada mjesečnih operativnih planova,
- izrada naloga za plaćanje,
- dogradnja i usavršavanje trezorskog poslovanja u saradnji sa Federalnim ministarstvom finansija.

## V. CENTAR ZA MLADE

Centar za mlade nastavlja aktivnosti na poboljšanju položaja mladih u Bosni i Hercegovini, unapređenju i razvoju omladinske politike i dostizanju evropskog nivoa uključenosti mladih u sve tokove društvenog života.

Prioritetne aktivnosti Centra za mlade bit će:

- stavljanje u parlamentarnu proceduru Zakona o pitanjima mladih Federacije Bosne i Hercegovine,
- iniciranje razvoja omladinske politike u skladu sa evropskim standardima,
- osiguranje potrebnih sredstava u budžetu Vlade Federacije BiH za projekte i programe mladih koji su relevantni za Federaciju BiH (prema određenim kriterijima i prioritetima),
- jačanje kapaciteta vladinih tijela za mlade u Federaciji BiH,
- podsticanje kulturnih i sportskih aktivnosti u interesu zadovoljavanja potreba mladih u svim dijelovima Federacije BiH, a posebno u malim sredinama,
- saradnja s udruženjima i nevladinim omladinskim organizacijama u Bosni i Hercegovini i regionu,
- koordinirani rad s Komisijom za koordinaciju pitanja mladih u Bosni i Hercegovini, s ciljem obezbjeđenja optimalnih uvjeta za život i rad mladih u cijeloj zemlji,
- promoviranje pitanja mladih i njihove uloge u bosanskohercegovačkim društvenim tokovima,
- aktivno učešće na međunarodnim omladinskim forumima, konferencijama i seminarima koji se bave pitanjima mladih.

**MINISTAR**

**Gavrilo Grahovac**

Broj: 01-02-4448-1/08  
Sarajevo, 27. 11. 2008. godine